

Al dì d'la Festa (Il giorno del Santo Patrono)

di Nino Picciu

Na vira sevu povar e i famigli angavu gnenti
Però i nos genitur an musavu veghi rispet par la gent
E sopratut par i parent.

La parentela leva pusè lunga cui temp la
Oltre al nonu la nona i siu dal papà o d'la mama
Angheva al Barba e la Nena
E guai se la Domenica matin dopu mosa
cui che ia stavu antal pais
iandavu mia salutei an cà

E par cui che ia stavu fora al dì da truvesi l'eva fis
I gnivu ca nosa disnè al dì d'la Festa dal pais

E siccome iastac antal pais par mi pusè bel che c'acsia,
cal saria San Nazzaro Sesia, detto la Badia

La Festa l'è al 28 da luglio e la storia la dis
Ca l'è San Nazario e Celso, al patrono dal pais

E al dì d'la Festa par l'ucasiun ag rivava i baracun
Nuiauc iu ciamavu ansì ma ievu i Barchi
Che antar tre o quat su at pudivi andè
E cun i gambi t'arbutavi, l'eva come un'altalena
Tandavi avanti e an drè.

Angheva la calcinculo e i tirasegno
Angheva cul che ta sparavi i nati,
cat culpivi i mignin
E naut che angheva di strisci ad carta da sciapè
o i balun da fe scuppiè o al centro da mirè
cun i garabini che ia sparavu balin

E cul dì la matin iandavu an piasa
Parché par l'ucasiun

Ag rivava iun da nuara a vendi al giasc
Cun al motofurgun.

Lu purtavu cà, lu butavu antal sevar
Cun la segatura almenu ansì
Ai butavu l'ava e al vin al frosc
E al durava quasi tut al dì

Poi i om e i matucin e i matalini
Mosa granda i pudivu andè
Mentre i doni iastavu cà preparè al disnè.

Poi dop disnà iandavu an piasa voghi la cursa an bicicleteta
E as capis, i favu al tifo par i curidur dal nos pais.

Poi finì la cursa iandavu gaveni na scios
Iandavu l'ustaria a bevi bira e gasos.

Iandavu fè an gir andua i baracun
E poi cà i duvivu andè
L'eva ura da scena, iandavu mangè.

E poi la sera angheva chi l'andava balè
E chi as satava fora ad la pista e i sintivu sunè

E agneva tanci che antla sala da bal
Par un'ucasiun importante
I ficiavu tavlin e cadreghi
E iurdinavu una buta da spumante

Perciò tra un bal e senti l'orchestra
Ag finiva anca al dì d'la Festa

E par astè ansema i parent luntan
I duivu spiciè al prosim an.